



Inatsisartunut ilaasortaq
Naaja Nathanielsen
Inuit Ataqatigiit

Suliniut apeqqutaatillugu tusagassiutinut tapiissuteqartalernissamut tunngasumik apeqquteqaammut akissut

Asasara Naaja

Qujanaq apeqquteqaatinnut, Naalakkersuisut tusagassiuteqarnermut suliassaqaarfimmi tapiissuteqartarnermut malittarisassiornissamik siunnerfigisaat pillugit.

- 1) *Naalakkersuisut uppersarsarsinnaanerlugu tusagassiutinut tapit pillugit naalakkersuisunik ingerlatseriaaseq siunissami ima kinguneqassasoq suliniutinut ataasiakkaanik naammassinnineq najoqqutaralugu, inerisaanerit aammalu aalajangersimasunik tusagassiutitigut suliniutit pilersinneqarneri aallaavigalugit tapit ingerlanneqalissasut, maannamut nalinginnaanerusumik taperneqarnissamik periarfissat atorunnaarlugit?*

Akissut: Naalakkersuisut uppersarsarsinnaavaat tusagassiorfinnut tapiissuteqartarnek pillugu nalunaarutissatut siunnersuummik suliaqarsimagamik, tusagassiorfinnut tapiissutit tusagassiutinut allatanut suliniummut tapiissutit tunniunneqartarnissaannik siunnerfeqartumik. Tamanna paasineqassaaq tapiissutit ingerlatamut imaluunniit suliniummut piffissami aalajangersimasumi killilikkami ingerlanneqartussamut tunniunneqartartussatut, aammalu suliniutinut imaluunniit iliuusissanut aalajangersimasunut aalajangersimasumik siunnerfilimmut imaluunniit qanoq naammassinnaanut siunertalimmut tunniunneqartarnerisigut.

Tamatumungalu ilaliullugu ilisimatitsissutigineqarsinnaavoq malittarisassat ilusilersorneqarneranni tunngaviummat annerusumik kissaateqarnek nutarterinissamik tapiissuteqartarnerullu tamatigoortuunissaanik, tassami tapiissutisiassanik pissarsisut aqqissuussinikkut matumuuna siunissami kaammattorneqassammata tusagassiornermik ingerlatsinerup iluani suliniuteqarnissamut nutaaliornissamullu.

Tamannalu isiginiarneqassaaq maannamut tapiissuteqartarnermik aqqissuussinerusumut sanilliullugu, tassani tapiissutit tapiissutisisussap ulluinnarni ingerlatsineranut tunngatillugu tunniunneqartarmata, aqqissuussinermilu nutaanik suliniuteqarsinnaaneq akuutinneqarani. Tamatumalu saniatigut aqqissuussinissaq siunnersuutaasoq periarfissaqartitsissaaq tapiiffiqarsinnaatitaasut arlaqarnerusut tapiissutisisinnaanermut naliliiffiqartalernissaannut.

Ilutigisaanillu malugeqquneqassaaq suli maannamut illuatunngaannarsiortumik tapiissutisartuusimasut, siunnersuukkut aqqissuussinerusooq tunngavigalugu, piginnaaneqassusertik tunngavigalugu suliniummut tapiiffiqarsinnissamut periarfissaqartarsinnaammata. Assigiinngissusaali uaniippoq, tapiissutit maanna siunnersuutigineqartut siunertamut aalajangersimalluinnartumut

17-06-2015
Sags nr. 2015-1991
Dok. nr. 474389

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

tunniunneqartalnissaat, periusersitsitut nalinginaasumik ingerlatsinermut tapiissutaanatik.

- 2) *Tusagassiutinut tapit pillugit nalunaarut aaqqissuussaq nutaaq qaqugu Naalackersuisunit suliaralugu naammassineqarnissaa naatsorsuutigineqarpa?*

Akissut: Nalunaarummut siunnersuut maanna inatsisit teknikkimut tunngasumik nalilersorneqartarneranni siullermeerneqarpoq, tamatumalu kingorna tusarniaassutigineqassalluni. Naatsorsuutaavoq nalunaarut 1. september 2015 atortuulersinneqarsinnaassasoq. Aammalu nalunaarummut ilaavoq suliniutinut aallartinneqareersimasunut kisiannili nalunaarutip atortuulersinneqarnerani suli naammassineqanngitsunut qinnuteqartoqarsinnaanissaa.

- 3) *Tusagassiutinut tapit pillugit oqallinnermut atatillugu Aningaasaqarnermut ataatsimiititaliap aalajangersimasumik innersuussisimanagera, tamatumani suliniutit aallaavigalugit tapeqalersitsinissat tikkuunneqarsimasutut Naalackersuisunit isigineqarpata? Taamaattoqarsimappat, Naalackersuisut tikkuussinerit tunngavilersuutit takussutississinnaavaat?*

Akissut: Naalackersuisut tunngavissaqanngillat naatsorsuutigissallugu Aningaasaqarnermut Ataatsimiititaliaq aaqqissuussinermik aalajangersimasumik tikkuussisimasoq, tusagassiutinut tapiissutit suliniutinik tunngavilimmik aaqqissuunneqarnissaannut. Kultureqarnermut Naalackersuisup ulloq 22. maj 2015 Aningaasaqarnermut Ataatsimiititaliamik aamma Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamik ataatsimeeqateqarnerani siunissami tusagassiutinut tapiissuteqartarnissamik aaqqissuussinissamut tunngaviusussat saqqummiunneqarput, tassanilu ataatsimiititaliat periarfissaqarput pissaanermik tigumminnittut malittarisassiornissamut isumaliutaannut oqaaseqarnissaminut. Periarfissami tassani malittarisassiassat Aningaasaqarnermut Ataatsimiititaliami ilaasortanit aamma Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami ilaasortanit oqaaseqarfineqarput, soorluttaaq siunissami tapiissuteqartarnissamut periarfissat allat aamma oqaluuserineqartut.

Inussiarnersumik inuulluaqqusillunga
Med venlig hilsen


Nivi Olsen